



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exercitium Perfectionis, Et Virtutum Christianarum

In tres Partes distinctum

Rodríguez, Alonso

Coloniæ Agrippinæ, 1622

Cap. XVIII. De duobus alijs remedijs magni momenti, quæ sunt principijs
obstare, & nunquam otiosum esse.

urn:nbn:de:hbz:466:1-40093

CAPVT XVIII.

De duobus alijs remedijs magni momenti, que sunt principijs ob-
stare, & nunquam otio-
sum esse.

ALIUD bonum & generale remedium
hic assignant Sancti, vt nimirum
principijs obstemus: hincque ait san-
ctus Hieronymus: *Dum paruus est hostis, Hieronymus.*
interfice: nequitia elidatur in semine, ne
forte crescat, & post id facere nequeas.
Similis est tentatio ignis scintillæ, quæ
si semel cæperit, crescit & vrit. *A scin- Eccl. 11. 34.*
tilla vna augetur ignis. Ideoque & recte
alius dixit:

*Principijs obsta, sero medicina paratur:
Cum mala per longas inualuere mo-
ta.*

Rectius id Spiritus sanctus per Pro-
phetam David monet: *Beatus, qui tene- Psal. 136. 9.*
bit, & allidet paruulos suos ad petram. Et
per Salomonem: *Capite nobis vulpes par- Cant. 2. 15.*
uulas, qua demoliuntur vineas. Dum ten-
tationum vulpeculæ paruulæ sunt, dum
incipiunt superbiæ, affectiuncularum, a-
micitiarum, singularitatis cogitationes,
tunc illæ tibi frangendæ fortissima illa
petra, qui est Christus Seruator noster,
eius exemplo & adspectu, ne crescant, &
animæ tuæ vineam demoliantur. Penes
nos non est impedire, ne tentationes ve-
niant, nec prauæ cogitationes; sed bea-
tus ille, qui initio & incipientibus nouit
valedicere. Sic locum hunc exponit san-
ctus Hieronymus: *Multum refert prin- Hiero. eps. ad*
cipijs occurrere, dum debilis est hostis, Eustochium.
& paruas habet vires; tunc enim facile
illi resistitur; sed post valde difficulter.

Idem similitudine sanctus Chryso-
stomus declarat: *Si ægroto nascatur cupi- Chryf. contra*
ditas quid noxium edendi, etsi hanc cupi- concubinar.
ditatem superat; hic se damno illo,
quod noxium adferre poterat, liberat, &
citius conualescit: sed si vt parua illi de-
lectationi obsequatur, noxium illud
edit,

sciant, qua eca aues maxime delecten-
tur, vt ea insidias & laqueos tendant: eo-
dem modo & aduersarijs nostris Diabo-
lis id ante omnia propositum est, vt inda-
gent, quibus maxime recreemur, & dele-
ctemur, vt ijsdem nobis insidiantur & ve-
rent. Ideoque videre est, Diabolum A-
dam muliere tentasse & aggressum, no-
rat enim illum ea multum affici: Simili-
ter & Sampsonem eodem modo impu-
gnauit & superauit, vt ænigma exponer-
et, in quo fortitudo eius sita erat. Ex-
plorat Diabolus vt astutus miles, & cir-
cumit, vt aduertit, quæ debilior sit ani-
mæ nostræ pars, quæ passio in vnoquo-
que prædominans, & ad quid magis prop-
endeat, vt inde quem inuadat. Ideoque
& nobis illa maxime munienda, prouidi-
enda & sepienda sunt contra inimici
nostri dolum & stratagemam: aduertendo,
quæ debilior animæ nostræ pars,
quæque virtute inaniior (quæ illa merito
conferatur, cui naturæ inclinatio, vel pas-
sio, vel praua consuetudo maxime impe-
rat) illaque maiore cura & sollicitudine
defendenda.

Aliud remedium cum præcedente con-
ueniens adferunt Sancti & spiritualis vi-
tæ Magistri, dicuntque pro generali re-
gula sumendum, tentatione aliqua in-
gredientem, statim ad eius contrarium re-
uertendum, & inde defensionem paran-
dam. Hac enim ratione medici corporis
infirmi curant. *Contraria contra-*
rijs curantur. Agritudini ex frigore ori-
entur calida, ex siccitate vero, humida
applicantur, hoc enim modo humores
temperantur, & ad debitam proportio-
nem reuocantur. Eodem modo & nobis
agritudinibus & tentationibus animæ
medendum. Idque est, quod Pater nos-
ter ait: *Anteuertere oportet tentationes,*
adhibitis earum contrarijs; vt cum quis
animaduertitur ad superbiam esse prop-
ensus, exerceri is debet in rebus abie-
ctionibus, quæ ad humiliandum illum v-
tiles futuræ videantur: & sic de alijs
prauis animæ propen-
sionibus.

edit, grauior fit ægritudo, & mortem adfert, vel difficulter sanatur. Quod malum vitare potuisset, si quid laboris & operæ posuisset, vt inordinatum illum appetitum coheret initio, & gulositatem noxium illud edendi refrænaret. Eodem modo si homini cogitatio vel cupiditas videndi quid irrepit, & se hic initio vincit visum compescendo, & cogitationem statim propulsando, se molestia & labore tentationis liberat, quæ inde erat oriunda, & damno, quod consensu forsitan incurrisset. Si vero initio se non vincit & compescit, parua illa negligentia & delectatione, quam videndo vel cogitando cepit, mortem sibi animæ adsciscit; vel saltem magnum laborem & difficultatem resistendi experitur. Sic vt quod initio paruo vel nihilo constitisset; post caro emendum est. Hincque concludit Sanctus, multum referre, vt principijs obstetur.

*In vitis Patr.
I. p. pag. 913.*

In vitis Patrum refertur, Diabolum quodam tempore Abbati Pachomio apparuisse in formosæ mulieris figura, & increpante illum Sancto, quod tanta malitia ad fallendos homines vteretur; respondit Diabolus: Si tentationibus nostris ingressum aliquem aperitis, statim maiora incendia excitamus, vt vos ad peccatum prouocemus, sin aduertamus principio resisti, & ingressum imaginationibus & cogitationibus à nobis propositis negari, vt fumus euanesceamus.

Vtile etiam contra tentationes remedium est, nunquam esse otiosum. Hincque ait Cassianus, Ægyptios Patres id vt primum principium habuisse, & vt antiquam traditionem obseruasse, tanquam à maioribus traditam, quam & discipuli studiose emendabant vt singulare remedium: *Semper se Diabolus occupatum inueniat.*

*Aug. ser. 17.
ad fratres in
eremo.*

Idque & Dominus sanctum Antonium docuit, vt vnicum medium, quo in solitudine duraret, dedit, vtque se contra tentationes muniret: quod sanctus Augustinus allegat, & ait, sanctum Anto-

nium non semper potuisse orationi vacare, quamuis sanctus Antonius esset, & sæpius varijs cogitationibus fuisse exagitatatum, ideoque Deum orasse, dicens: Domine vellem bonus esse, quid faciam? cogitationes non permittunt. Et audiuit vocem sibi dicentem: Antoni, si cupis Deo placere, ora, & dum orare non poteris, manibus labora, & semper aliquid facito: Fac, quod in te est, & non deficiet tibi auxilium de Sancto. Alij dicunt, iuuenis forma Angelum illi apparuisse, qui paulisper fodiebat, & post genibus flexis, & leuatis manibus paulisper orabat: quod ad idem tendebat. Otium multarum tentationum & malorum radix & origo est; idcircoque plurimum nostra interest, ne Diabolus nos vquam otiosos, sed semper occupatos inueniat.

CAPVT XIX.

De tentationibus, qua boni specie & pretextu oriuntur, & magnum esse remedium contra omnes tentationes, illas huiusmodi cognosci & haberi.

SANCTVS Bonauentura aliud quid commune quidem, sed tamen necessarium in medium adfert: quod sciendum sit, Diabolum solere bonos, & qui virtuti & perfectioni student, aggregari specie aliqua & similitudine boni, leque transfigurare in Angelum lucis. Venena non dantur (ait sanctus Hieronymus) nisi saccaro & re aliqua delectabili, & gustui grata tecta, ne sentiantur, & accepta laqueum esca regit.

Idem & Diabolus facit. *In via hac, qua ambulabam, absconderunt laqueum mihi.* Si enim manifeste malo illos inuaderet, qui virtutem amant, & Deo seruire studerent, fugerent, & nihil cum illis conficeret. Idcircoque ait sanctus Bernardus: *Bonus nunquam nisi boni simulatione de-*